

Empat pegawai kanan Perkhidmatan Awam Persekutuan dilantik

KUALA LUMPUR 15 Jun — Ketua Setiausaha Negara Tan Sri Samsudin Osman hari ini mengumumkan pelantikan Daman Huri Hussain, Salleh Abdul Wahid, Datuk Abdul Rashid Sa'ad dan Datuk Mohamed Hashim Kasmon sebagai pegawai kanan Perkhidmatan Awam Persekutuan.

Daman Huri, 55, Pengarah Bahagian Pengurusan Jabatan Peguam Negara ditempatkan sebagai Timbalan Ketua Setiausaha (Pengurusan) Kementerian Sumber Manusia bagi menggantikan A.Selvaraj yang bersara wajib hari ini, menurut Samsudin dalam satu kenyataan di sini.

Daman Huri memulakan karier dalam perkhidmatan awam pada 2 April 1973 di Perkhidmatan Tadbir

dan Diplomatik dan ditempatkan sebagai Penolong Setiausaha, Bahagian (Hal Ehwal Veteran) Kementerian Pertahanan.

Selepas itu, beliau memegang beberapa jawatan lain di Jabatan Perkhidmatan Awam (JPA), antaranya Ketua Penolong Pengarah (Operasi Isi Penuh) Bahagian Perkhidmatan; Pengarah Jabatan Penuntut Malaysia, Toronto, Kanada dan Pegawai Daerah Seremban.

Beliau ditempatkan sebagai Pengarah Bahagian Pengurusan Jabatan Peguam Negara mulai 5 Mei tahun lepas.

Salleh, 54, Pengarah Bahagian Pentadbiran dan Kewangan Jabatan Kemajuan Islam Malaysia (Ja-

kim) ditempatkan sebagai Pengarah Bahagian Pengurusan Jabatan Peguam Negara juga mulai hari ini menggantikan Daman Huri.

Beliau memulakan karier dalam perkhidmatan awam pada 18 Ogos 1975 apabila dilantik ke dalam Perkhidmatan Tadbir dan Diplomatik dan ditempatkan sebagai Penolong Setiausaha Kementerian Luar Negeri.

Selepas itu, beliau memegang beberapa jawatan lain antaranya sebagai Penolong Setiausaha (Perkhidmatan dan Perjawatan) Kementerian Kerja Raya dan Kemudahan-Kemudahan Awam, Ketua Penolong Pengarah Cawangan Tatatertib dan Naib Pangkat Bahagian Perkhidmatan JPA, Penolong Setiausaha Pata-

dan Pesuruhjaya Perdagangan Malaysia di Hong Kong.

Beliau ditempatkan sebagai Pengarah Bahagian Pentadbiran dan Kewangan Jakim mulai 1 Jun 2000.

Datuk Abdul Rashid, 54, pula ditempatkan sebagai Setiausaha Bahagian, Bahagian Khidmat Pengurusan Kementerian Pertanian dan Industri Asas Tani menggantikan Kamarudin Lat yang bersara wajib pada 20 Jun ini.

Beliau memulakan karier dalam perkhidmatan awam pada 2 April 1974 di Perkhidmatan Tadbir dan Diplomatik dan ditempatkan sebagai Penolong Setiausaha Kementerian Perdagangan dan Perindustrian serta beberapa jawatan lain di kementerian itu.

Selain itu, beliau juga pernah memegang jawatan Ketua Penolong Pengarah Unit Guna Sama 1, Bahagian Perkhidmatan JPA; Pengarah Tanah dan Galian Persekutuan, Bahagian Kemajuan Wilayah Persekutuan dan Pengarah Pembangunan Negeri Perak dan Ketua Pengarah Jabatan Perpaduan Negara.

Beliau ditempatkan ke jawatan kumpulan JPA mulai 1 November tahun lepas.

Mohamed Hashim, 55, Pengarah Jabatan Agama Islam Negeri Perak ditempatkan sebagai Pengarah Tanah dan Galian Perak menggantikan Datuk Abdul Samat Sabri yang bersara wajib pada 13 Jun lalu.

Beliau memulakan karier dalam

perkhidmatan awam pada 1 November 1976 apabila dilantik ke dalam Perkhidmatan Tadbir dan Diplomatik sebagai Penolong Setiausaha (Bahagian Dasar) Jabatan Perdana Menteri.

Selepas itu, beliau memegang beberapa jawatan antaranya Timbalan Pengarah (Unit Hak Milik Subsidiari) Jabatan Tanah Wilayah Persekutuan, Ketua Penolong Pegawai Daerah Kuala Selangor, Timbalan Pengarah Tanah dan Galian Perak dan Setiausaha Bahagian, Bahagian Sistem Maklumat, Kementerian Tanah dan Pembangunan Koperasi.

Beliau ditempatkan sebagai Pengarah Jabatan Agama Islam Negeri Perak mulai 16 Mei 2001. — Bernama